



Inatsisartut

Aningaasaqarnermut Akileraartarnermullu

Ataatsimiititaliaq

Finans- og Skatteudvalget

Ulloq/Dato: 11. oktober 2011

J.nr.: 01.31.06/11-00552

Aningaasaqarnermut Naalakkersuisoq

Aningaasaqarnermut Ataatsimiititaliap suliaq nr. 01.31.06/11-00552 pillugu ataasinngornermi ulloq 10. oktober 2011 aalajangiineranik Naalakkersuisunut ilisimatitsineq.

Kalaallit Nunaanni peqqinnissaqarfimmi suliaritinnissaminnut utaqqisunik ikilisaanissamut ilassutitut aningaasaliissuteqarnissamik qinnuteqaat

Naalakkersuisut **inassutigaa**,

- kontomi pingaarnermi 34.11.03-mi, Dronning Ingridip Napparsimavissuanut tunngasumi, aningaasaliissutit 6.457.000 kr.-inik amerlineqassasut, aamma
- kontomi pingaarnermi 34.11.01-mi, Napparsimasut timikkut nappaatillit nunani allani katsorsarneqartarnerannut tunngasumi, aningaasaliissutit 3.312.000 kr.-inik amerlineqassasut, aamma
- IST-mi angusat 9.769.000 kr.-inik ikilineqassasut.

Aningaasaqarnermut Ataatsimiititaliap oqaaseqaatai

Pilattartinnissamik utaqqisunik allat ikilisaarneqarnissaannut atugassat 10 mio. kr.-it inulaarlugit suliame matumani Naalakkersuisut qinnut.

Makkununga aningaasat qinnutigineqarput:

- Dronning Ingridip Napparsimmavissuani 2011-ip sinnerani init pilattaaviit sisammerneqarnissat
- Siffiaasaliinerit 36-it
- Tusillassimasunik pilattaanerit 20-it
- Isikkut igalaasartaliinerit (grå stær) 100-it
- Sunngakku ujarattaajaanerit 96-it
- Seequusaliinerit 36-it

Tassa katillugit pilattaanerit 288-it.

Taamaakkaluartoq suliarinninnissanut arlalissuarnut utaqqisut suli amerlasuupilussuupput. Taamaallunilu pilattaanissat siuliani taaneqartut *suli* ingerlanneqanngitsut seequusaliinissanut utaqqisut 255-iupput, tusillassimasunik pilattaanissamut utaqqisut 300-juupput aammalu isikkut igalaasartaliinissanut (grå stær) utaqqisut 700-juupput.

Aningaasat immikkoortinneqartut ukioq manna atorneqarsinnaassasut neriutigigamiuk ataatsimiititaliap oqaatigissavaa. Naatsorsuutigisaagaluatut aningaasat tamakkerlugit 2011-imi atorneqarsinnaanngitsut paasinarsissagaluarpat siunertamut kontomut 34.11-mut oqaasertaliussaq 2011-mi aningaasanut inatsimmut ilanngunneqarsimasoq naleqqussartariaqartoq ataatsimiititaliaq isumaqarpoq, taamaaliornikkut aningaasat siunertamut Aningaasaqarnermut Ataatsimiititaliamit akuerineqartumut 2012-imi aamma atorneqarsinnaaqullugit.

Akuersissutiginnineq una Nunatta Karsiata 2011-mi naatsorsuutaasa 9,769 mio. kr.-inik

ajorseriarnerannik kinguneqassaaq, tassa qinnuteqaat aningaasalersorneqanngimmat. Tamanna isummernissamut tunngavissiami ataatsimiititaliamut nassiunneqartumi sammineqarluarsinnaasimagaluarpoq.

Aningaasaqarnermut Ataatsimiititaliap aalajangiinera

Siuliani allassimasutut paasinnilluni Naalakkersuisut inassuteqaataat Aningaasaqarnermut Ataatsimiititaliamit akuersissutigineqarput.

Aningaasaqarnermut Ataatsimiititaliaq sinnerlugu

Andreas Uldum
Siulittaasoq